

Escrito por Redaccion @valminorinfo
Domingo, 01 Xuño 2014 19:10



O grupo nacionalista presentará unha moción no vindeiro pleno do 5 de xuño para que o Concello de Gondomar inste á Xunta de Galicia e á FEGAMP a que recorran por inconstitucional a [Lei de Telecomunicacións aprobada](#) recentemente polo Goberno do Estado. O concelleiro nacionalista Antonio Araújo, fundamenta a iniciativa no feito de que ademais de ser "unha gravísima intromisión nas competencias autonómicas e na autonomía municipais, permite instalar e expropiar, se for o caso, unha terraza particular dunha casa ou edificio para instalar unha antena".

Outros temas que integran a orden do día prevista para o pleno do vindeiro xoves son a aprobación definitiva das ordenanzas fiscais, a aprobación do plan económico financeiro 2014-2015, e unha proposta da alcaldía para autorizar unha aprobación extraxudicial de crédito para o pago de facturas atrasadas por importe de máis 100.000€ .